



**Shree Ram Sharnam,
International Spiritual Centre**
8A, Ring Road, Lajpat Nagar - IV,
New Delhi - 110 024, INDIA

ऐसो को उदार जग माहीं
ऐसो को उदार जग माहीं ।
बिनु सेवा जो द्रवै दीन पर,
राम सरिस कोउ नाहीं ॥
ऐसो को उदार जग माहीं...

जो गति जोग बिराग जतन करि, नहिं पावत मुनि ग्यानी ।
सो गति देत गीध सबरी कहँ, प्रभु न बहुत जिय जानी ॥
ऐसो को उदार जग माहीं...

जो संपति दस सीस अरपि करि, रावन सिव पहुँ लीन्ही ।
सो संपदा बिभीषन कहँ अति सकुच-सहित हरि दीन्ही ॥
ऐसो को उदार जग माहीं...

तुलसिदास सब भाँति सकल सुख जो चाहसि मन मेरो ।
तौ भजु राम, काम सब पूरन करहिं कृपानिधि तेरो ॥
ऐसो को उदार जग माहीं...

www.shreeramsharnam.org / www.ibiblio.org/ram